

2022 yilda O‘rmon xo‘jaligi agentligi tizimida:

O‘zbekiston Respublikasi Prezidentining 2022 yil 21 dekabrda “Yangi O‘zbekiston ma‘muriy islohotlarini amalga oshirish chora-tadbirlari to‘g‘risida”gi 269-son Farmoniga asosan Ekologiya, atrof-muhitni muhofaza qilish va iqlim o‘zgarishi vazirligi huzurida O‘rmon xo‘jaligi agentligi tashkil etildi.

Respublikada o‘rmon fondi yerlarining umumiy yer maydoni 11,8 mln gektarni, O‘zbekiston Respublikasi umumiy yer maydonining 26 foizini tashkil qiladi, o‘rmon bilan qoplangan yer maydonlari esa 3,4 mln gektarni, O‘zbekiston Respublikasi umumiy yer maydonining 7,7 foizini tashkil etadi.

O‘rmon fondi yerlarining 82 foizi cho‘l, 14 foizi tog‘, 4 foizi to‘qay hududidan iborat.

2023 yil birinchi yarmida O‘rmon xo‘jaligi agentligi tizimida:

Respublikada ekologik vaziyatni barqarorlashtirish maqsadida 200 ming gektar maydonda o‘rmon barpo qilish va qayta tiklash tadbirlari amalga oshirildi.

Orol dengizining qurigan tubi va Orolbo‘yi hududlarida qum ko‘chishi hamda atmosfera havosiga tuz-chang ko‘tarilishini bartaraf etish maqsadida Mo‘ynoq tumanida 128 ming gektar, Buxoro viloyatida 40 ming gektar, Navoiy viloyatida 17 ming gektar va Xorazm viloyatida 10 ming gektar maydonda saksovul va boshqa cho‘l o‘simliklaridan “yashil qoplamalar” barpo etildi.

O‘rmon xo‘jaliklari tomonidan daraxt va butalarning 940 tonna urug‘lari jamg‘arildi.

545 gektar maydonda tuproq-iqlim sharoitga mos manzarali, mevali daraxt va butalarning niholxona va ko‘chatxonlari tashkil etildi.

“Yashil makon” umummilliy loyihasi doirasida joriy yil bahor mavsumida 22 mln. dona iqlim sharoitiga mos manzarali, mevali daraxt va butalarning ko‘chat va qalamchalari yetkazib berildi.

Sugʻoriladigan qishloq xoʻjaligi yerlari dala chetlarida 2 ming gektar maydonda ihota daraxtzorlari tashkil etildi.

Nukus shahri atrofida 5 km, Urganch shahri va Urganch-Gurlan avtomobil yoʻli atrofida 5 km masofada katalpa, qayrogʻoch, yapon saforasi kabi daraxtlar koʻchatlari ekilib, “yashil belbogʻlar” barpo etildi.

Oʻrmonlarni muhofaza qilish va saqlash maqsadida tizim tashkilotlari tomonidan 40 ming gektar maydonda oʻrmon kasallik va zararkunandalariga qarshi oʻrganish ishlari olib borildi.

Oʻrmon yongʻinlarini oldini ishlarini muvofiqlashtirish maqsadida agentlik va tizim tashkilotlarida yongʻin kelib chiqish xavfi yuqori boʻlgan yoz mavsumida uzluksiz navbatchilik tashkil etildi.

Oʻrmon hududlarida yashovchi aholi va oʻrmonga tashrif buyuruvchilar uchun oʻrmondan toʻgʻri foydalanish, oʻrmon yongʻinlarini sodir etilishini oldini olish maqsadida 2000 ga yaqin ogohlantiruvchi bannerlar joylashtirildi.

Oʻrmon fondidagi 3,5 ming gektar foydalanilmayotgan yer maydoni oʻzlashtirildi.

5 ming gektar maydonda dorivor va ozuqabop oʻsimliklar plantatsiyasi tashkil etilib, 2 ming tonna xomashyo yetishtirildi.